

《大方廣圓覺修多羅了義經導讀》補充講表

◎附表七

○善男子！此無明者，非實有體，如夢中人，夢時非無，及至於醒，了無所得。

◆無明為能變，身心為所變。所變虛妄，上已分明道破。能變虛妄，恐猶未了，今且先明無體，故云：非實有體。以迷時似有，覺則元空，故借夢物以顯無體也。

◆變者變現之意。譬如迷心變識。心為能變，識即所變也。此科能字及上科所字，皆就生滅門不覺義邊說。上科所變，指妄身妄心。此科能變，即指無明。無明是根本，身心是枝末。由根本而生枝末，由無明而生身心。然無明無體，實不能生，不過有變現如以一中幻作一兔，儼然兔也。然特由巾變出，豈由巾生出哉？無明變現身心，亦復如是。於此不執，即無輪迴。蓋最初無明，是依他起性。執之則為遍計執性。遍計，

惑也。由惑而造業，造業故受輪迴之苦。若其無執，即無惑；無惑，即不造業，即無輪迴之相。是故病根在一「執」字。

◆一念不覺，即是無明。如無明賊，固是可畏，然不必畏也。何以故？非實有體故。如燈能破闇，闇既能破，可知無體。譬如全室黑闇，燈光一然，闇相即無。真智一照，無明何在？

◆夢中人三字，非謂做夢之人，乃指夢中所見者。人字當作「物」字看，喻無明不覺也。醒喻覺悟。了無所得，喻無明無體。凡拿得出者為現量境。如拿不出乃非量境，全是獨頭意識，如夢境是。

○如眾空華，滅於虛空，不可說言有定滅處。何以故？無生處故。

◆無因義隱，故重設華喻以顯之。如者，設若義。妄境非一，故稱眾華。是華惟病目能

見，喻妄境唯無明能現也。目若病愈，不見空華，宛似於空處滅。喻迷若悟時，了達本無無明，豈非於如中滅乎？然華似滅於空處，不可言空裏定有滅處。喻妄似滅於真中，不可言真如定有滅妄處也。

◆何以二句，乃徵釋不可說義。謂既有滅處，必有生處。爾當諦觀虛空原無生處，又豈有滅處哉？虛空尚爾，況真如耶？乃足見無明無因矣。

◆空華喻無明，虛空喻真如。眾空華滅於虛空，喻無明滅於真如；然而真如本無生無明之處故，故曰：無因也。

○一切眾生於無生中，妄見生滅，是故說名輪轉生死。

◆須知一切境界，皆是依他起性，因緣和合而生，生即無生，所謂不生不滅是也。只要對境不起分別妄見，我法二執即空，當體即是真如。此文殊章全文，皆教人悟一切法皆無

生滅，有生滅即妄見也。對妄言真，故真如之名，亦是強立。當知無明是假名，真如亦是假名。

◆一切眾生，指未悟道之人。人若悟道，了得無明無生滅，即了得真如無生滅。由其不了，故有「三細六麤」。前言大悟以後，一切身心世界，一無所有。所言無世界者，並非真無，特不執而已。

◆夫一念不覺，遂有無明，即第八識。所謂無明業相是也。於無生中，妄見生滅，起心動念，而有轉相，此妄心也，名曰：能見相。由能見相而有現相，謂現妄境也。亦曰：境界相。此是俱生法執。然妄心妄境，尚是種子，極細極細，非菩薩不能見，是為根本無明。是為三細相。由此而有六麤相。六麤者，因境界相而起分別，是為分別法執。故第一曰：智相，此尚屬根本無明。念念分別，相續不斷，故第二曰：相續相。自此流入枝末無明矣。依相續而執著，故第三曰：執取相，乃思惑也。是為俱生我執。依執取而計

名字，故第四曰：計名字相，乃見惑也。是為分別我執。依計名字而生愛憎，動於身口，造種種業，故第五曰：起業相。業即招報，受輪迴苦，故第六曰：業繫苦相。

◆蓋佛法修行，宜在因上做，不在果上做。故了生死，須從未來上注意。故欲免造業招苦，先當破執。破執如何著手，須修道諦。道不出戒定慧三學，以其對治貪瞋癡三毒故。

○善男子！如來因地修圓覺者，知是空華，即無輪轉……非作故無，本性無故。

◆如來因地，指佛初發心時也。初發心時，即便修於圓覺，知非小根劣器矣。「知」字急須著眼。所謂知之一字，眾妙之門。凡夫所以不知，以其無始覺智也。如來因地初發心時，即有此知，知即智也。始覺真智，能知身心無明之妄，皆如空華。但以眾生不知，妄受輪轉。然眾生所以不知者，以有念故。今既知是空華，則當下離念。故曰即無輪轉。只此離念一法，便是斷無明之利斧也。根本既斷，枝葉自然不生。故曰：亦無身心受彼生死。此真圓頓教中的大榜樣也。

◆經言：『無量劫前，佛與阿難，同時聽法。及至如來成佛，阿難猶為侍者。何以故？阿難常求多聞，如來常求精進故』。是故我輩今日，切不可聽而不修。然則圓覺將如何修？即是圓照清淨覺相之圓照二字。修圓照功夫，如何方能得力，即重在一「知」字。此知，即寂而常照之知，即是真智，亦即妙觀察智，亦即如如智，大乘止觀名為無塵智。

◆如來因地修圓覺時，了得身心世界，皆是無明之所變現，全在用此真智。我輩今日學佛，如能用此真智，時時觀照，當下即了生死。

◆何則？內而身心，外而世界。知是空華無實，即不起執著。當下離念，我法二執即空。豈復尚有輪轉，尚有身心受彼生死耶？非同藏、通、別、三教之人，不能當下離念。必須漸漸斷惑，漸漸證真。此中作用甚多，謂之分斷無明。若修圓照功夫，知之即離，離之即覺。故曰：非作故無。何以能不作而無？以真如性中，本來無故。